



# ТИМОФЕЙИЗ 1-ПИ КАГЪАЗ

*Тимофейиз дибикІнаи сабни кагъзиь, кьюбпибдиъси, Аллагъдин гьуллугънаъ айи хьугърударин хасиятарикан ва буржйирикан кІура. Гъаз дибикІнаш ва бикІбан метлеб фу вуш, Гирами Рюгънулан ачухъди рябкъюра: «Аллагъдин хизандиъ жьув фици духъну ккундуш, увуз аьгъю хъпан бадали бикІураза. Думу хизан – хьугъру гирами халкъ ву. Думу халкъ – чІиви Аллагъдинуб ву. Думу халкъ – мюгъкам бин ва дебккрайи гъякъ'вал ву» (3:15). Му кагъаз, гъилигу гъялариан, Павел Македонияиз дуфнайиган дибикІнайиб ву. Павели, Эфесдиъ даргъурайи каламариз къаршуди дийигъуз, чан дуст вуйи ва чахъди Аллагъдин гьуллугънаъ айи Тимофейикан душаваъ гъузуб тІалаб апІура. Павелиз чаз Эфесдиз гъягъюз ккун дубхънайи, хъа дугъаз садар гъядисйири машат гъапІнийи. Гъаддиз дугъу Тимофейиз, сабдизра дилигди ва ижми хьугъвалишинди ккебгънайи ляхин ккудубкІ кІури, кагъаз бикІуру. Тимофеи Эфесдиъ хьугърударихъди аьлакьалу вуйи сакъюдар суалар гъял дапІну ккундийи: гъацІари хьугънайидариз я швушвар духну, я швуваз душну ккундар, кІурайи, жарадари ипІру-ухру шей'арикан ишлетмиш апІуз ихтияр айидарра, адрударра а, кІурайи. Гирами Рюгъ Чан кагъзиь Исайихъ хьугърударин уьмрин гизаф суалариин дийигънайи. Дугъан фикрари ва насигъятари Эфесдиъ хьугънайидариз Ужувлан хабарнан гъаммишандин гъякъикъатвалихъна, яни Иса Месигъдихъна, Гъадгъу инсанариз дебккнайи уьрхювалихъна къяляхъ хътакуз кюмек*



*дапІну ккундийи. Ихъ Агъайиз вари адмийир дюрхну ва Чан гьякьвалин гъавриъ ахъну ккунду. Гъаддиз Исайихъ хъугънайидари му гьякьвал жиниди гъитнну ккундар, хъа дурар, чпин хъугъували Аллагъдин дигиш апІру рягъимлуваликан ачухъди шагъидвал апІруси, яшамии духъну ккунду. Кагъзиъ артухъси фикир хъугърударин ахъюр кипуз саб тягъна ктру уъмрин адми духъну ккунивалихъна жалб апІура.*

### **КучІлин аьгъюваларикан**

**1** <sup>1</sup>Ухъу уърхру Аллагъдин ва ихъ умуд кайи Месигъ Исайин амриинди кадагънайи Иса Месигъдин вакил Павелихъан <sup>2</sup>хъугъувалиъ йиз гьякъ бай Тимофейиз – уж’вал, рягъим ва мясляаът увуз Адаш Аллагъдихъан ва Иса Месигъ ихъ Агъайихъан!

<sup>3</sup>Македонияйиз гъарайири, увкан Эфесдиъ гъузуз ижмиди ккун гъапІнийза. Уву душваъ кучІлин аьгъювалар рагъурайи сакъюдар касар дерккнну ккундийзуз. <sup>4</sup>Чпин вахт дурари гъубкъу жюрейин махъварихъди ва ккудудукІру архийр агури гъадрапІри. Миди арайиз хрудар гъожатартІан дар, хъа хъугъували арайиз хурайи Аллагъдин ляхин улихъ гъабхурадар. <sup>5</sup>Гъаму йиз ТІа-лабнан метлеб – марцци КІваан, гъяни намуснаан ва дугъри хъугъувалиан удубчІвурайи масанвал вуйиз. <sup>6</sup>Сакъюдар, гъаму вари дипну, файдасуз гъожатарихъ ахъна. <sup>7</sup>Дурариз Къанун кивру мялимар хъуз ккунди а, аммаки дурар я чпи кІурайибдин, я чпи гъадмукъан ижмиди ктибтурайибдин гъавриъ ахънадар.

<sup>8</sup>Къанун ухъуз агъяхъуз: думу ужуб ву, эгер дюзди ишлетмиш апІури гъашиш. <sup>9</sup>Ухъуз гъацира аьгъяхъуз: Къанун дугъридариз ваъ, хъа – гъадму законар чІюргъудариз ва мютІюгъ даршлудариз, аллагъсузариз ва гунагъкрариз, фукІара гирамиб адрудариз ва хътругъудариз, адашдин вая дадайин уъмриин хил иливрудариз, йивну йикІрудариз, <sup>10</sup>къяппавалиъ айидариз, жилир жилирихъ хъайидариз, адмийир лукІ’вализ масу туврудариз, кучІляхъариз, кучІалди шагъидвал апІрудариз ва дюз аьгъювалариз къаршуди удучІвурдариз ву. <sup>11</sup>Му аьгъювалар гъарсаб тярифназ лайикъ вуйи Аллагъди уз’ин илипнайи Ужувлан хабарнахъди сабси гъюру.



*Аллагъдин ужувлаз баркалагъ*

<sup>12</sup>Узуз къувват туву ихъ Агъайиз, Месигъ Исайиз чухсагъул кІураза. Дугъу уз'ин ихтибар дапІну, гьуллугъ илипунзуин. <sup>13</sup>Мугагъназ Агъайиз люкьнар апІуиза, хъугърударихъ хьергуйза, вягъшисир вуйза. Аллагъди узлан хил алдабгъну, гъаз гъапиш, узу йиз абгъдрувалиан ва хътругърувалиан гъаци апІури гъахъунза. <sup>14</sup>Хъа, Иса Месигъдик ктикъхъан, рябкъру масанвална хъугъвал хъайи ихъ Агъайин уж'вал Аллагъди уз'ин бегъем улубзну. <sup>15</sup>Дюз ва гъакъ ву гъаму гафар: гунагъкрар уърхбан бадали, Месигъ Иса дюн'яйиз гъафну, хъа дурарикан вартІан ахъю гунагъкар узу вуйза. <sup>16</sup>Аммаки Иса Месигъди гъамциб уж'вал узуз, сарпирди, Чан сабурлувал фукъан зурба вуш дябкъну, имбударра хъугъуз ва дурариз гъаргандин уьмур рубкъуз, улупну. <sup>17</sup>Гъаци вуйиган, гъит гъаргандин Паччагъдиз, аьжал Хътруриз, Дярякъруриз ва Сар вуйи Аллагъдиз аьсрариан аьсрариз гъюрмат ва адибши! Амин.

<sup>18</sup>Тимофей, йиз бай, увкан дупнайи пайгъамбарвалин гафар кІваин алди, магъа гъамцдар насигъятар дикІуразавуз; гъадрарихъди гъяри гъакъвал бадали <sup>19</sup>жвуван хъугъувал ва марцци намус уьбхюри, уву хай кайи дяви дубхну ккундузуз. Сакъюдар намуснахъан гъидищну, ва ахириъ дурарин хъугъувалин гимикаабхъну. <sup>20</sup>Гъацдарин арайиъ Гименейна Эскендер а; узу дурар, Аллагъ беябур дарапІди яшайиш дубгъуз, иблисин хилиъ ивунза.

*Сакъюдар ляхнарикан*

**2** <sup>1</sup>Сифтена-сифте увкан ккун апІурайиб гъаму вуйиз: вари адмийрихъанди ккарагай, тІалаб апІинай, гаф хъипай, Аллагъдиз чухсагъул йипай. <sup>2</sup>Ухъу мясляаьт ади ва ужувлаъ архаинди, лайикълуди яшамиш шлуси, пачгъарихъанди ва гъюкмихъ хъайи варидарихъанди ккарагай. <sup>3</sup>Мици апІуб дюзди ва ухъу уърхру Аллагъдиз къабулди ву. <sup>4</sup>Фицики Дугъаз вари адмийир дюрхну ва гъакъвалихъна дуфну ккунду. <sup>5</sup>Аллагъ сар ву, ва Аллагъдинна адмийин ара сатІи АпІурайирра сар ву. Думу Кас – Месигъ Иса ву. <sup>6</sup>Дугъу вари адмийрихъанди кайи буржнан ерина Учв тувну. Думу Аллагъди, вахт гъафиган, дюн'яйиз гъау шагъидвал ву. <sup>7</sup>Гъаддиз узу, Хабар рабгъурди, Месигъдин ва-



килди ва жугъуд дару халкъариз гьякъ хъугъувалин мялимди дерккнайир вузун; кучлар апІурадарза, гьякъ кІураза.

<sup>8</sup> Гъаци вуйиган жилари, хъял ва гъожатар гъитну, гъарсаб йишвахъ ккарагури, марцци хилар заргури ккундузуз.

<sup>9</sup> Гъаци дишагълийирира палат абурлуди ва жвуваз балгруси, къайдайинди алабхъри; гъит дурари, аьжайибди кушар деркк-ри, гъизилар, жавагъиар, багъа палат алабхъури ваъ, <sup>10</sup> хъа Аллагъдиз бахш духънайи дишагълийириз лайикъ вуйиси гъяни ляхнаринди чпи кабалгри. <sup>11</sup> Гъит дишагълийири, артухъ гаф дарди, саб наразивал улулупди, аьгъювалар аьгъю апІри. <sup>12</sup> Дишагълийиз жили-жвуван зиин аьхювал апІуз ва аьгъювалар улупуз гъидритарза; думу ккебехъну гъузри. <sup>13</sup> Фицики сифте – Адам, хъа Ева халкъ гъапІинийи. <sup>14</sup> Алдатмиш гъапІурра Адам дайи, хъа, кІучЛихъ хъебехъну, гунагъ гъапІур учв вуйи. <sup>15</sup> Аммаки дишагълира уьрхиди, бицІидар апІури, эгер хъугъувал, масанвал, гирамивал ва намуслувал ади яшамиш шулуш.

### *Хъугърударин аьхюдар*

**3** <sup>1</sup> Дишди кІура: шлиз хъугърударин аьхюр хъуз ккундуш – баркаллагъ чаз! <sup>2</sup> Аммаки аьхюр кипуз саб тягъна ктру уьмрин адми духъну ккунду: саб ражаритІан швушв дархир, сабурлур, аькъюллур, намус кайир, хялар ккунир, аьгъювалар улупуз удукърур, <sup>3</sup> дурубхърур, элелегрур, хъа гаф-чІалнаъ гъюдлир, хъюхъ дазрабгрур, пулиъ ул адрур. <sup>4</sup> Дугъу чан хал-хизан ужуйи гъюле гъабхури ккунду, хъпехъру ва чан гъюрмат уьбхру баяр-шубар ади ккунду. <sup>5</sup> Хъа чан хулан эйвал апІузкъан даршлурихъан Аллагъдин хъугърударин гъайгъу зигуз шулин? <sup>6</sup> Тазади хъугъну имбударикан аьхюр ктагъну ккундар: дицир адмийик фурс кубчІвди ва, иблисдинси, дугъанра суд апІиди. <sup>7</sup> Хътругърудар дицир касдикан, къяляхъ тягънийир дархъуз ва иблисди ккиву чулиъ адрахъуз, ужуйи улхури ккунду.

<sup>8</sup> Гъаму дурарин кюмекчйиризра кайиб ву. Дурар гъюрмат айи, къюб маш гъядру, чяхрихъ юкІв хъядру ва пулиъ ул адру касар духъну ккунду. <sup>9</sup> Дурари, марцци намус ади, хъугъувалин сирар дидисну ккунду. <sup>10</sup> Сифте дурарра ахтармиш дапІну ккунду, ва, эгер дурарихъ «рижв» хътрибшиш, гъит кюмекчивалин гъул-лугънаъ гъузри.



<sup>11</sup> Аьхюдарин кюмекчйирин хпарра гьюрматназ лайикьдар духьну ккунду, футнийир дарагърудар, тмягьяриь адрахърудар, ва-рибдиин хьугъвал алидар.

<sup>12</sup> Аьхюрин кюмекчира саб ражаритІан швушв духну адрур ва чан хал-хизан ужуди кІули гьабхрур духьну ккунду. <sup>13</sup> Гьаз гьапиш чан гуллугъ ужуди тамам апІрури гьюрматра гьазанмиш апІуру, ва Иса Месигьдикан вуйи чан хьугъуваликан дугъхьан, саб гучІ адарди, ктибтузра шулу.

<sup>14</sup> Багарихьди увухьна гьюз кказа, хьа му узу увуз, <sup>15</sup> нагагъ узу кьан апІруси гьабшиш, Аллагьдин хизандиь жвув фици духьну ккундуш, увуз агъю хьпан бадали бикІураза. Думу хизан — чИ-ви Аллагьдихъ хьугъру гирами халкъ ву. Думу халкъ — мюгькам бин ва дебккрайи гьякьвал ву. <sup>16</sup> Саб гаф адарди ихъ хьугъувалин сир зурба ву:

Думу бедендиьди гьафну,  
 Рюгьну гьякь гьапІну,  
 Думу малайикариз гьяркьну,  
 Дугькан халкъариз ктибтну,  
 Думу дюн'яйиь хьугъувалиинди кьабул гьапІну,  
 Думу адлуди завариз за гьахьну.

### *Тимофейиз насигьатар*

**4** <sup>1</sup> Аллагьдин Рюгьну ачухьди кІура, аьхиримжи вахтари, хьугъвал дипну, гьацІар гьудучІвиди, дурари кучІлин рюгьярин ва жинарин каламарин тереф бисиди. <sup>2</sup> Дицдар каламар, намус дудубгнайи, кю-кюбди машар гивнайи кучІляхяриланмина гьиди. <sup>3</sup> Дурари швушвар хуз гьадагъа апІура. Дулар, гьякьвал агьюдарина хьугърудари баркаллагъ кІури, ипІбан бадали Аллагьди халкъ дапІнайи саб жюре итІрудар митІанай, кІури, хьюгьна. <sup>4</sup> Аллагьди арайиз дубхнайиб вари ужу ву. Баркаллагъ кІураш, вари кьабул апІуз шулу. <sup>5</sup> Гьаз гьапиш думу вари Аллагьдин гафну ва ккарагбу гирами апІура.

<sup>6</sup> Эгер уву, Тимофей, гьардшариз гьацдар кІури гьабшиш, уву хьахьнайи сагъ агьюваларин ва хьугъувалин гафари ацІрайи Иса Месигьдин ужур гуллугъчи хьидивукан. <sup>7</sup> Кьаби хпариз лайикь вуйи махъварихьди вахт давди маадапІан, хьа гьарган хьугъувалин тІалабарихъ йихъ. <sup>8</sup> Бедендиз вуйи гьяракатарикан



сацІиб мянфяаѳт а, хѳа хѳугѳувалин тІалабарихѳ хѳуб варибдиѳ мянфяаѳтлу ву, фицики диди, гѳамусси, гѳюру вахтариѳра уѳмур тувди.

<sup>9</sup> Му гаѳ дюз апІуб ва кѳабул апІуб лайикѳ ву. <sup>10</sup> Гѳаддин бада-ли ухѳу лихурира ахѳа, гѳаддихѳна гѳачІарккурира ахѳа, гѳаз гѳа-пиш умуд чІиви Аллагѳдик кайихѳ, хѳа Думу вари адмийир Уѳрхрур ву, иллагѳки – Чаин хѳугѳвал алидар.

<sup>11</sup> Адмийириз магѳа гѳамдихѳна дих апІин ва гѳамдикан аѳгѳю-валар улуп. <sup>12</sup> Увухѳинди, уву жигѳил ву кІури, гѳясппикк ккадру саягѳниинди, фуѳжІара лигуз мигѳитан. хѳугѳнайидариз уву гѳам гаѳариѳ, уѳмриѳ, масанвалиѳ, хѳугѳувалиѳ ва гѳам мар-цишнаѳ чешнеди гѳуз. <sup>13</sup> Узу гѳяѳийиз хѳугѳрударин улихѳ Гира-ми китабар ерхѳури урх, Ужувлан хабар ктибтури апІин, аѳгѳю-валар улупру мялим ѳихѳ. <sup>14</sup> Хѳугѳрударин ахѳюдари ув’ин хилар иливуйрайиган увуз гѳапи пайгѳамбарвалин гаѳариланмина гѳабхѳи багѳиш увхѳан ярхла мапІан.

<sup>15</sup> Яв гѳуллугѳ юкІв хѳади апІин, дидиз гѳуркІну бахш ѳихѳ, ва гѳадмуган варидариз яв хѳуркѳувалар рякѳиди. <sup>16</sup> Яв ув’ин ва уву улупурайибдиин ул алди гѳуз. Гѳаму аѳгѳюваларихѳан ижмиди хѳичІих, фицики гѳамци апІури, увура ва увухѳ хѳпехѳурайидар-ра уѳрхидиву.

*Вазифѳир, яни жѳвуу гѳапІну ккундуш*

**С** <sup>1</sup> Яшлу адмийириз хѳжагѳру саягѳниинди макІан, яв адашси, гѳавриѳ тІаѳ. Жигѳил адмийирихѳди, яв гѳардшарихѳдиси, гаѳар апІури ѳихѳ. <sup>2</sup> Ахѳю дишагѳлийир – дадѳирси; жигѳилдар чѳирси дис, дурарихѳди вуйи яв аѳлакѳийр лап марцидар шлу-си гѳуз.

<sup>3</sup> Гѳич саб терефнаанкѳан кѳюмек имдру ачІни дишагѳлийирин гѳайгѳу зиг. <sup>4</sup> Эгер ачІни дишагѳлийиз баяр-шубар, ясана хтулар аш, дурари чпин хѳугѳувал ляхниѳ улупри, чпин хизандинна абайир-бабарин гѳайгѳу зигури. Му Аллагѳдиз кбалгру ляхин ву. <sup>5</sup> Хѳа гѳякѳ ачІни дишагѳли, яни фуѳжІа хѳтрур сар Аллагѳдихѳ ѳирѳар хѳирчнайир ва, ѳигѳ-ѳишв ккарагури, Дугѳкан кѳюмек ккун апІурайир ву. <sup>6</sup> Хѳа кеѳер апІурайи ачІни дишагѳли чІиви-димиди дукІнайи гѳисаб ву. <sup>7</sup> Гѳич саб жѳурейин тягѳнийир дархѳбан бадали, хѳугѳрудариѳ тІапІ. <sup>8</sup> Жѳуван багахѳлуйирин,



сифтена-сифте жвуван хизандин гъайгъу ктрур, хъугъувалихъан гъудучІвнайир ву ва хътрургъуртІан ужуж ву.

<sup>9</sup>ЙирхъцІур йислан зиина яш дубхънайи ва саб ражаритІан швувахъ дархъи ачІни дишагълийиртІан хъугърударин гъайгъушнаъ махъан. <sup>10</sup>Думу дишагълийин ужудар ляхнар аьгъю ишри: бицІидар вердиш гъапІу ва хялар къабул гъапІу, хъугъру гъардшарин ликар гъижикІу, читинвал алабхъдариз кюмекнаъ ва гъарсаб ужудар ляхнариз бахш гъашир.

<sup>11</sup>Жигъил ачІни дишагълийир думу гъисабнак макаан, гъаз гъапиш чпин юкІв хъипнайивал Месигъдихъан ярхла шлурихъ дурариз швуваз гъягъюз ккун хъибди, <sup>12</sup>ва, чпи сифте Аллагъдин улихъ туву гаф чІюбгъюри, дурари чпин суд апІура. <sup>13</sup>Мидихъди сабси, лихурира адруган дурар гагъ-гагънак давди вахт адапІуз вердиш шула, хулариян-хулариз ккажагъуз хъюгъра, футна либухура, жарадарин ляхнаригъ гъючІвра, лазим дарубдикан улхури шулу. <sup>14</sup>Гъаци вуйиган, узу жигъил ачІни дишагълийирикан швуваз гъягъюб, бицІидар апІуб, чан хулахъ зегъмет зигуб ва душмнар чпикан чІуруди дулухруси апІуб ккун апІураза. <sup>15</sup>Гъаз гъапиш гъаддарикан сакъюдар, жвуван хъугъувал дипну, иблисихъди гъушну.

<sup>16</sup>Эгер ачІни дишагълийириз хъугъру багахълуйир аш, хъугърудариз артухъ гъагъ дархъуз, дурарин гъайгъу багахълуйири зигри. Гъадмуган дугъридан кюмек адру ачІни дишагълийириз хъугърударихъан кюмек апІуз хъибди.

<sup>17</sup>Ужуди аьхювал апІру касариз хъугърударин артухъ гъюрмат ади ккунду, иллагъки Ужувлан хабар рабгърудариз вая аьгъювалар улупрудариз. <sup>18</sup>Гъаз гъапиш Гирами китабари кІура:

«Гад апІури, рацц'ин али йицран ушв миилибтІан» ва  
«Лихрур къиматназ лайикъ ву».

<sup>19</sup>Хъугърударин аьхюрилан аьрз апІуради гъабшиш, къюр вая шубур шагъид хътарди, къабул мапІан. <sup>20</sup>Хъа гунгъар апІрур, имбударизра дарс хъузди, варидарин улихъна адагъ.

<sup>21</sup>Аллагъдин, Иса Месигъдин ва кадагънайи малайикарин улихъ увкан ижмиди ккун апІураза: гъаму узу гъапидар къабул дапІну, саризра майил мапІан; сарин тереф дибисну, тмунуриз миилзиган.



<sup>22</sup> Жарадарин гунггарин иштиракчи махъан. Хъугърударин ахъюдарин жергйириз гъялакди фужкIара макадагъан. Марцциди гъуз.

<sup>23</sup> Саб шидтIан дурубхъди мугъузан, яв фунин уъзриз ва кми-кмиди шлу ищрушнариз цIибди чяхирра ишлетмиш апIури йихъ.

<sup>24</sup> ГъацIарин гунггар, суддин Йигъ гъяйиз гъамустIанра рякъюра, хъа гъацIарин – къяляхъна ачмиш хъиди. <sup>25</sup> Гъаци ужудар ляхнарра ву: гъацIар гъамустIанра рякъюра, хъа дярякърайидар къанди арайиз удучIвиди.

**6** <sup>1</sup> ЛукIвалиъ айидари Аллагъдин ччвур ва учу улупу агъювалар беябур дарапIбан бадали, гъит чпин ахъюдарин гъюрмат убхри. <sup>2</sup> Хъа ахъюдар хъугърудар вуш, дурар чпин гъардшар вуйивализ дилигну, фурс дарапIри. Хъа гъаци, гъит имбубтIан хъана уччвуйи чпин ахъюрихъ хъпехъури ишри, гъаз гъапиш чпи гъуллугъ апIурайидариз дурарра дугъри ва ккуни гъардшар ву. Адмийириз уву гъамци улупну ва гъадихъна дих дапIну ккунду.

*КучIлин улупбар ва гъякъ девлет*

<sup>3</sup> Шли, Аллагъдиз лайикъ вуйи гъюрмат хурайи ихъ Агъа Иса Месигъдин сагъ гафар ва агъювалар тина гъадаъну, фу-вуш жараб улупураш, <sup>4</sup> думу хъюхъ забгурайир, амма фукIа агъдрур ву. Дицир адми, гъюжатарин ва люкънарин кчIихбарин уъзри гъадагънайир ву. Гъацдарилантина бахилвал, гъярхъувалар, агърар-люкънар, хъугъвалиан адахъувал <sup>5</sup> ва кIулиъ маъ адарди гъякъвал кIваълан гъубшдарин гъанихвали, зат ккудудукIру гъюжат арайиз хура. Аллагъдин ляхнар дурариз чпи ацIузтIан вуйидар дар.

<sup>6</sup> Хъугъувалин тIалабар тамам апIуб ва варибдиин рази хъуб зурба хъуркъувал ву. <sup>7</sup> Фицики му дюн'яйиз ухъу гъабхиб фукIара адарихъ, я фукIа къяляхъ гъабхидира дархъа. <sup>8</sup> Уълна палат аш, гъаддиин рази хъидихъа. <sup>9</sup> Девлетлу хъуз ккунир гизаф абдал ва хатIавалин тямгъяриъ ахъру. Дурари адмийир бедбахтвалин ва аъжалин деринариз хъчIюхюру. <sup>10</sup> Вари жюре чIуруваларин ччив – пул ккун апIувал ву. Пул ккун дубхъну, хъугъувалихъан гъудучIву адмийир гизаф бахтсуз гъахъну.





*Фу кІваълан гьархну ккундарш*

<sup>11</sup> Хъа уву, Тимофей, Аллагъдин адми вува, гъаддиз гъацдарихъан гьерг. Дюзвал, хъугъувал, хъугъувалин тІалабар тамам апІувал, масанвал, сабур, умунвал бисуз хилар гъачІаркк. <sup>12</sup> Хъугъувал бадали игит йихъ, увуз дих дапІнайи гьаргандин уьмрихъан хъичІих. Фицики уву лайикълуди гизаф шагъидарин улихъ яв хъугъуваликан гъапнийва. <sup>13</sup> Гъамус узу увуз, Понтий Пилатдин унтІаъ кІубанди гъаму хъугъуваликан шагъидвал гъапІу Месигъ Исайин ва варибдиз уьмур тувру Аллагъдин улихъ дих апІуразавуз: <sup>14</sup> увуз гъич саб тягъна дяргъруси, узу увуз гъапиб вари ихъ Агъа Иса Месигъ гъайизкъан, тамам апІури гъуз. <sup>15-16</sup> Вахт гъабхъиган, Думу ухъухъна Аллагъди, хушбахтавар ва сар вуйи Гьюкумдри, паччгъарин Паччагъди ва агъйирин Агъайи, лик кубкІуз даршлу аквнаъ айи ва адмийирикан гъич саризкъан дяркъю ва рякъюз даршлу, аьжал хътру Сари гъаъди. Гъадгъануб ву гьюрмат ва къудрат гъаммишандиз! Амин.

<sup>17</sup> Гъаму дюн'яйиин девлетлу вуйидариз йип: фурсар дарапІри ва чпин девлетарихъ йирфар хътричри — думу мюгъкам вуйиб дар. Уьмрикан къукъ ктабгъури яшамиш хъуз вари лазим вуйиб артухъра кади тувру Аллагъдихъ йирфар хъирчиш, хъа ужу ву. <sup>18</sup> Дурарикан ужувлар апІуб ккун апІин, гъит гъяни ляхнарихъди девлетлу ишри. Къискъисар даришри ва иштагъниинди имбудариз чпин девлетнакан капІри. <sup>19</sup> Гъит, гъамци чпиз хазна уч апІри — му гъюз ккимбу гъякъ уьмур гъазанмиш апІру ижми шибритІ хъибди.

<sup>20</sup> Тимофей, яв хилиъ ивнайиб вари уьбх. Аллагъсузвалин улхбар-рахбарихъан ва кучІлин аьгъюваларин гъожатарихъан гъудучІв. <sup>21</sup> Гъацдар аьгъювалар ачуз, кІурайидар хъугъувалихъан гъирагъдиз душна.

Гъит уж'вал учвухъди ибшри!